



JUDICIAL SYSTEM MONITORING PROGRAMME
PROGRAMA DE MONITORIZAÇÃO DO SISTEMA JUDICIAL

Konferensia Imprensa

Periodu : Janeiro 2009

Edisaun : Janeiro 2009

VIAGEM JUIZ BA ESTRANGEIRO HALO

AGENDA JULGAMENTO PENDENTES

Aktividade julgamento iha tribunal Oe-Cusse durante fulan Janeiro nia laran ladun lao hanesan bain-bain tanba Juiz husi tribunal nebe refere sei halo viagem ba rai liur (strangero). Ho agenda viagem ida nee halo agenda actividades julgamento iha fulan nee mos pendentis. Informasaun neebe maka JSMP konfirma liu husi Juiz tribunal Oe-Cusse Dr. Antonio Helder katak, durante fulan Janeiro laiha horario julgamento tanba iha agenda viagem ba estrangeiro. Maibe ikus mai viagem Juiz nee cansela tiha tanba kondisaun Juiz la permite atu ba viagem nebe marcado. Konaba kontinuasaun aktividade julgamento iha tribunal, Juiz haktuir katak aktividade sira nee sei halao fali iha fulan oin (Fevereiro).

Maske laiha horario julgamento, maibe tuir monitorizasaun nebe maka JSMP halo iha Tribunal refere, aktividade administrasaun lao hanesan baibain. Iha monitorizasaun nee, JSMP mos observa kondisaun fisicu tribunal nebe oras nee dadaun halo hela renovasaun (sala de julgamento no lutu) tribunal nian.

Alein de observasaun nebe halo iha tribunal, JSMP mos entrevista Comandante Policia Investigasaun Distrito Oe-Cusse kona ba sira nia serviso neebe iha relasaun directa ho tribunal nebe maka durante nee sira halao. Tuir Commandante seksaun Investigasaun PNTL Oe-Cusse, Sr. Bernardo katak, durante nee sira halo kolaborasaun diak ho tribunal maske hetan obstaclu/impedimentos barak nebe maka halo sira nia serviso hetan difikuldades. Nia hateten katak, Impedimento sira nee maka hanesan facilidades transportasaun no komputador hodi fasilita servisos no nesesidade iha terino. Facilidades nebe maka durante nee sira usa depende deit ba facilidades UNPOL nian.

Konaba investigasaun ba kazu crimes, tuir Commando PNTL distrital Oe-Cusse nia statistika durante tinan 2008, iha kazu 102 (indicasaun crimes). Husi Kazu sira nee kazu 28 maka nia proseso too ona iha Procuradoria, 12 maka sei iha proseso investigasaun nia laran no 62 mmaka taka tiha ona (desizaun final).

Kazu sira temi iha leten, Numero kazu nebe maka a's liu husi Janeiro-Dezembro 2008 maka kazu assaltu iha (25), Violasaun Domestica (VD) iha 22, naok (10).

Kazu sira seluk hanesan, koko atu oho, ameasas, assaltu labarik, traficun umano, vioalasaun sexual, abuso sexual, torturasaun, estragos sasan, tara a'n, ahi han uma, abuso poder, hetan mate isin, no korupsaun, sira nee nia Numero kiik, (10 mai karaik).

Commandante Investigasaun PNTL Oe – Cusse rekomenda ba ministerio kompetente no ba instituisaun PNTL iha central Dili atu bele tau matan ba sira nia nesiedade hanesan facilidades sira nebe maka temi iha leten hodi nunee bele fasilita sira nia servisu ho diak no evetivo liu tan”.

Atu hetan informasaun kle'an kontaktu:

Roberto da Costa Pacheco

Koordenador Peskizador Juridiku, JSMP

Enderessu e-mail: bebeto@jsmp.minihub.org

Landline: 3323883